



隋

陳茂 猗氏人質直恭謹高祖為隋國公引為寮佐嘗令典家事多稱旨高祖善之及受禪拜給事黃門侍

郎封魏成縣男轉益州總管司馬遷太府卿每典機密後進爵伯

趙綽 字士倬河東人性質直剛毅仕周內史中士丁父

官侍郎每奏讞正色侃然上以盜賊不戢將重其法綽諫曰律者天下之大信其可失乎上納之上嘗欲赦蕭

摩訶綽固諫不可欲綽去而赦之因令綽退食綽曰臣奏獄未決未敢退朝侍郎辛亶嘗衣緋禪上以為壓蠱

將斬之綽曰據法不當死臣不敢奉詔上怒甚曰卿惜辛亶而不自惜也命高熲斬綽綽曰陛下寧可殺臣不

可殺亶至朝堂去衣當斬上使人謂曰竟何如對曰執法一心不敢惜死上拂衣入良久釋之時禁惡錢有二

人在市以惡錢易好者上悉令斬之綽曰此人坐當杖殺之非法上曰不關卿事綽曰陛下不以臣愚暗置在

法司欲妄殺人豈得不關臣事訶之不肯退御史柳或切諫乃止時同郡薛胄為大理卿俱名平恕胄斷獄以情而綽守法並為稱職及卒上為之流涕遣使弔祭鴻臚監護喪事二子方元襲

薛端 汾陰人仕周累遷吏部郎中性直不避權貴因賜名端典選雅有銓鑑推進賢才不論門閥文帝多

納其諫曰成我者卿也卒贈交城郡公謚質子胄少聰明每覽異書即曉其義嘗嘆訓註者不會聖人深旨輒以義辯之諸儒嘆服周明帝時襲爵入隋為交州刺史後遷刑部尚書

薛濬 汾陰人端從子少孤養母以孝聞開皇中歷考功命鴻臚監護喪事歸葬夏陽時隆冬極寒濬跣霜雪中自京及鄉五百餘里足凍墮指朝野為之痛傷州縣助一無所受尋起令

視事竟不勝哀而卒

韓禽虎 字子通雄子少慷慨以膽畧見稱容貌魁岸有雄傑之表性又好書經史百家皆略知大旨周

文見而異之令與諸子游集後以軍功稍遷儀同三司襲爵新義郡公周武帝伐齊禽虎說下獨孤永業於金墉城及平范陽加上儀同永州刺史高祖拜為廬州總管委以平陳之任甚為敵人所憚及大舉伐陳為先鋒領五百人宵濟襲采石取之進攻姑孰半日而拔江南父老素聞其威信來謁軍門晝夜不絕以精騎五百直入朱雀門平金陵執陳主叔寶賜物萬段優詔褒美封壽光縣公上柱國恩禮殊厚子世諤嗣禽虎母弟僧壽字元慶亦以勇烈知名以軍功授大將軍封昌樂縣公拜蔚州刺史突厥甚憚之進位上柱國改封江都郡公子孝基僧壽弟洪字叔明少驍勇善騎射膂力過人以軍功拜大都督平陳之役授行軍總管及陳平晉王廣大獵於蔣山有猛虎在圍中眾皆懼洪馳馬射之應弦而倒諸將皆歎伏以功加柱國檢校朔州總管事尋拜代州總管又兩平珠崖加

裴政 字德表聞喜人高祖壽孫從宋武徙家於壽陽歷廬江太守祖遠父之禮皆有傳政幼聰明博聞彊

記達於從事為當世所稱魏師圍荊州王琳自桂州乘
赴難政從間道先報元帝為魏師所獲鎖之送至城下
使誘城政詐許之告城中曰援兵大至各思自勉吾以
間使被禽當以碎身報國監者擊其口令更其語終不
易辭將殺之蔡大業曰此民望也若殺之則荊州不可
下矣釋之江陵陷與城中朝士俱送于京師周文聞其
忠授員外散騎侍郎引入相府命與盧辯依周禮建六
官多遵古禮革漢魏之法授刑部下大夫轉少司憲政
明習故事又參定周律能飲酒至數斗不亂簿案盈几
剖決如流用法寬平無有冤濫囚徒犯極刑者乃許其
妻子入獄就之至將行決死者皆曰裴大夫致我於死
死無所恨其處法詳平如此開皇初轉率更令詔與蘇
威等修定律令進位散騎常侍轉左庶子多所匡正時
雲定興數入侍太子為奇服異器進奉後宮又緣女寵
來往無節政數切諫太子不納政謂定興曰公所為不
合禮度又元妃暴薨道路籍籍此於太子非令名也願
公自引退不然將及禍定興怒以告太子太子益疎政
由是出為襄州總管妻子不之官所受秩俸散給寮吏

民之有犯罪者陰悉知之或竟歲不發至再三犯乃因
都會時於眾中召出親按其罪五人處死流徒者甚眾
合境惶懼令行禁止稱為神明爾後不修囹圄殆無爭
訟卒於官年八十著承聖實錄十卷及太子廢高祖追
憶之曰向遣裴政劉行本在共康弼之猶應不令至此
子南金至膳部郎學涉有文藻以輕財貴義稱

薛道衡

汾陰人祖聰魏濟州刺史父孝通常山太守道
衡六歲而孤專精好學年十三講左氏春秋作

國僑贛頗有詞致見者奇之其後才名益著弘農楊遵
彥見而嗟嘆隴西辛術與語嘆曰鄭公業不亾矣河東
裴讞目之曰自鼎遷河朔吾謂關西孔子罕值其人今
復遇薛君矣仕齊拜中書侍郎仍叅太子侍讀曾具陳
備周之策時不能用入周為御史隋高祖受禪除內史
舍人兼散騎常侍聘陳為主使因奏陳可伐之策復與
高穎言其必克有四穎忻然曰君言成敗事理分明吾
今豁然矣本以才學相期不意籌畧乃爾高祖每曰道
衡作文書稱我意謂楊素牛弘曰道衡老矣驅使勤勞
宜使其朱門陳戟於是進位上開府賜物百段道衡辭

以無功高祖曰爾久勞階陞國家大事皆爾宣行豈非爾功也久之出檢校襄州總管在任清簡民懷其惠大業初轉潘州刺史歲餘求致仕因上高祖文皇帝頌帝覽之不悅謂蘇威曰道衡致美先朝此魚藻之義也於是拜司隸大夫會議新令久不決道衡謂朝士曰向使高穎不死令決當久行帝聞之怒曰汝憶高穎耶付執法勘之令自盡初道衡有空梁落燕泥之句及道衡死帝誦之曰更能作此佳句耶妻子徙且未有集七十卷於世子五人收最知名道衡兄溫字尼卿燕郡太守齊安縣子改鍾山子邁字弘仁歷官刑選二部侍郎道衡從弟道實歷官禮部侍郎離石太守并知名於世

薛世雄

汾陰人少穎悟不凡年十七從周武帝平齊以功拜帥都督開皇時數有戰功累遷儀同三司

右親衛將軍凡行軍破敵秋毫無犯帝嘉之嘗曰世雄廉正節槩有古人風超拜右翊衛將軍卒於官

王通

字仲淹其先祁人永嘉之亂東遷後乃于河汾家焉父隆精于周易春秋教授生徒開皇間以博士

承詔著興廢要論七篇出令昌樂荷氏銅川有異政人思慕之生通筮得素王卦知必能通天下之志遂名通少志仲尼之業遊學四方受書于東海李育學詩于會稽夏典問禮于河東關子明正樂于北平霍汲考易于族父仲華不解衣者六歲仁壽三年西遊長安文帝召見因奏太平十二策公卿皆不悅通知不能用作東征歌而歸退居西河續詩書正禮樂修元經讚易道九年而六經大就四方知名士多北面事之往來受業者千餘人大業初累徵不起十三年卒年三十三門人私謚曰文中子著有禮論十卷續書二十九卷續詩十卷元時孫六勛劇勃劭助劭俱以文名

柳儉 解州人文帝妙簡賢能擢拜蓬卯二州刺史獄訟者庭造不為文書約束獄無繫囚及坐免妻子衣食不贍煬帝嘉其績授朝散大夫拜弘農太守清節愈厲帝問清名天下第一左右以儉對賜帛二百疋以旌之

敬肅

字弘儉蒲州人少以貞介聞歷安陵令秦幽衛三州司馬長史俱有異績遷潁川郡丞以清節受知

賜帛

二百匹帝取天下郡官狀稱肅曰心如鐵石老而彌篤後乞骸骨優詔許之去官之日囊無餘貲

郭絢

安邑人家素寒以軍功拜儀同歷數州司馬長史皆有能名大業初拜涿郡丞吏人悅服與柳儉等

息

同以清名受賜帛時山東盜起絢逐捕多獲涿郡獨全後將兵擊竇建德於河間力戰而死人吏哭之數日不

張文詡

河東人父瑀洹水令有清政教子姪皆明經自達文詡通三禮易書詩春秋三傳家貧灌園為

業仁壽中辟舉不應事母至孝以德化人及卒鄉人立碑頌焉

紐因

字孝政安邑人性至孝後周武成中父母喪廬於墓側負土成墳廬前生麻一株高丈許圍之合拱

枝葉鬱茂冬夏常青有鳥棲在上因舉聲哭鳥即悲鳴時人以為孝感武帝表其閭擢授其棠令開皇初卒其

子士雄少質直孝友喪父亦廬於墓側負土成墳其庭前有一槐樹先甚鬱茂及士雄居喪樹遂枯死服闋還

宅死槐復榮高祖聞之嘆其父子至孝下詔褒揚號其所居為累德里

陳孝意

河東人少有孝行隋大業中為侍御史以父憂去職居喪盡禮有白鹿馴擾其廬人以為孝感

之應未朞起授鴈門郡丞在郡菜食齋居朝夕哀臨每發聲未嘗不絕倒柴毀骨立見者哀之後劉武周圍城

外無聲援孝意誓以死守每遣使江都道路隔絕竟無報命旦暮向詔勅庫俯伏流涕悲動左右圍城百餘日

糧盡為校尉張倫所殺

裴子通

聞喜人仕隋為大中大夫哭母喪明白烏巢於塚樾兄弟八人皆有孝行詔表世為義門裴氏

元孫敬彞十二歲父臨黃令為下所訟詣巡察使訴父受冤官大奇之問會作賦否敬彞曰會即命題作賦甚

佳其父得釋後補陳王典籤一日忽泣涕謂左右曰大人疾病吾輒驚悸而痛今復然事叵測乃急請倍道而

歸父已卒哀毀踰禮武后時為酷吏所陷死嶺南

裴春 字歸厚叔業五世孫始自聞喜徙居稷山大業中為淮安司戶叅軍郡人楊琳田瓚等亂劫吏多死

惟春以仁愛賊不忍犯護之還鄉士論多之

唐

柴紹 字嗣昌臨汾人祖烈周驃騎大將軍歷遂梁二州刺史封冠軍縣公父慎隋太子右內率封鉅鹿郡

公紹樞悍有武力以任俠聞尚平陽公主義兵起受長史領毅騎發晉陽先抵霍邑城下覘形勢還曰宋老生

一夫敵我兵到必出戰可擒也大兵至老生果出紹力戰有功從下臨汾絳郡隋將桑顯和求戰紹引軍繚其

背與史大奈合攻之顯和敗遂平京師封臨晉郡公高祖即位累從征討以多戰功進封霍國公吐谷渾党項

危邊勅紹禦之矢下如雨紹令人彈琵琶使二女對舞党不為備紹從後掩擊大潰貞觀初平梁師都累加至

鎮軍大將軍子哲威歷右屯營將軍襲封譙國公坐弟令武謀反徙嶺南起為交州都督卒於官

裴寂 字元真臨晉人仕隋歷侍御史晉陽宮副監贊唐高祖起義兵及即位累遷尚書左僕射拜司空卒

贈河東郡公子律師嗣爵終汴州刺史律師子承先武后時為殿中監

王景嵩 聞喜人夏縣呂崇茂反宋金剛又寇澮州景嵩率鄉黨千餘家據險抗賊卒獲保全太宗嘉之

命檢校桐鄉令不受改為驃騎將軍又不受高祖聞而徵之及見勞之曰卿固守忠誠克全鄉曲國有常典所

以授卿每辭不受何也景嵩對曰桐臣鄉也拒逆臣分也不敢為功所以辭高祖善其對封桐鄉男加位開府

薛大鼎 字重臣汾陰人高祖兵興謁龍門說帝絕龍門永豐倉就食者為浩州刺史貞觀中累鴻臚卿

徙刺滄州州有無棣河久湮塞大鼎疏濬屬之海商賈流行百姓歌之曰新溝得通舟楫利直達滄海魚鹽至

昔日徒行今騁駟美哉薛公德滂被又疏長蘆漳衛三河分洩夏潦永不為害是時鄭德本在瀛州賈敦頤在

冀州皆有治聲河北稱鑑脚
刺史遷荊州大都督長史

王績 通弟隋大業中授秘書正字還鄉種黍蒔藥自號
東臯子武德初待詔門下省官給酒一石飲至五

斗不亂著五斗先生傳醉鄉記貞觀中撰隋書為唐文
人冠弟凝博學能文為監察御史守正不阿人憚之

張彥素 虞鄉人初仕隋為景城縣戶曹寶建德執將殺
之邑人千餘號泣請代釋之武德間為景州錄

事參軍太宗聞其名召見問以治道彥素條對稱旨擢
拜侍御史遷給事中太宗欲發卒修洛陽宮以備巡幸

彥素上書極諫帝謂彥齡曰彥素所言極有理即為罷
役或有事至洛陽雖露宿亦無傷也魏徵聞之嘆曰張

公論事有回天之力可謂仁
人之言矣歷太子左庶子

裴敬彞 聞喜人曾祖子通隋大中大夫哭母喪明兄弟
八人皆以孝蒙旌表敬彞性警敏七歲能文唐

高祖時為監察御史後歷太子左庶子武后時為酷吏
所陷死嶺南

高士廉 霍州人佐太宗有大功圖形凌烟閣涉古今通
政事臨難守節當官無黨立朝獻納縉紳莫不

屬目累官至尚書左僕射封申國公贈司徒并州都督
謚文獻

王珪 河津人太宗時與魏徵同為諫議大夫廷臣稱善
諫者曰王魏官至侍中封永寧公謚曰懿

薛收 字伯襄道衡子出繼族父孺年十二能屬文聞高
祖興遂挺身歸房彥齡亟言之秦王王召見問方

畧所對合旨授府主簿時討王世充軍事繁綜收為書
檄露布或馬上占辭該敏如素構初寶建德來援遺秦

王書請還潼關復修前好諸將爭言斂軍以觀形勢收
獨曰不然世充據東都府庫實其近皆江淮選卒非苦

乏食耳是以求戰不得為我所持今建德身總眾以來
必飛輓轉糧更相資哺回則賊軍固勝負未可歲月定

也不若嚴兵締壘戒勿輕出大王親督精銳據成臯邀
建德路一戰而舉不旬月二賊可縛麾下也王曰善遂

擒建德降世充卒年三十三王慟悼之註姓名爵里於
十八學士子元超襲

呂子臧 蒲州人性剛直仕隋為南陽郡丞及煬帝被弒子臧為故君發喪武德七年朱粲新岫子臧欲圖之為馬元規所止俄而粲眾復張元規嬰城賊聞急會霖雨雉堞崩剝或勸其降子臧曰我為天子方伯且降賊手乎乃率麾下數百人赴敵死城陷元規亦死之

寶靜 平陸人武德初并州大總管府長史時突厥數為邊患糧道不屬靜表請屯田以省餽運歲收粟十

萬斛又請斷石嶺以為障塞

薛元敬 少與從父收族兄德音齊名世稱河東三鳳收為長雛德音為鸞鸞元敬以年最小為鸞雛唐

初為天策府參軍直記室又與十八學士之選除太子舍人專掌文翰號稱職

柳冲 臨晉人楚賢子擢賢良方正博學強記尤明世族初貞觀中太宗命學者撰氏族志百卷以甄別士

庶至是向百年而諸姓至有與替冲乃上表請改修氏族至先天初冲始與魏知古等共撰成姓族系錄一百

卷奏上開元二年又勅冲及著作郎薛南全刊定系錄奏上賜絹五百疋五年卒

盧陵 河津人舉進士官至工部尚書幼讀書龍門山註春秋孝經每以經義夾時事為時所服

敬播 蒲州人貞觀初舉進士除著作郎遷太子司議郎與纂隋史撰晉書凡例又修高祖太宗實錄刪定

顏師古註漢書後議律令頗稱上意歷諫議大夫給事中

王凝 通弟博學能文為監察御史守正不阿人皆憚之

薛仁貴 龍門人少貧賤其妻柳氏曰今天子自征遼東求猛將盍圖功名以自顯乃往應募仁貴恃驍

勇着白衣以自標顯所向披靡賊遂奔潰帝望見馳使問白衣者誰始知其名召賜金帛人馬甚眾征高麗討

賀魯破吐蕃伐突厥累官左武衛將軍封河南縣男先是高麗九姓聚十餘萬反仁貴三箭殺三人氣懾乃降

歌曰將軍三箭定天山將士長歌入漢關子訥訥子徵並羽林將軍賜金吾將軍三世為大將

柳範 解州人貞觀中為侍御史嘗彈治吳王恪好田獵
太宗怒權萬紀不能輔道謂罪當死範進曰房玄
齡事陛下猶不能諫止田獵豈宜獨罪萬紀上怒拂衣
起曰何廷折我範謝曰主聖則臣直上乃解高宗時歷
尚書右丞

羅道宗 河中人慷慨尚義貞觀末嘗謫嶺南有友人同
斥者死於荆襄間臨終泣曰人生有死獨委瑩
異壤耶道宗慰之曰吾若還終不使君留此後果遷塋
於其家仕至太學博士為時名儒

敬君弘 絳州人唐初封黔昌侯屯營兵守玄武門隱太
子之死與中郎將呂世衡呼進皆戰沒

盧操 河東人幼勤學通孝經論語事繼母張氏至孝張
生三子溺愛之命操主炊操服勤不倦張遣子讀
書命操隨驢執鞭三弟縱酒忤人致踵詬母操泣拜慰
解之惡少云不忍以三賊而詆長者相與拜操而去繼
母亡操持喪哀毀訓弟有恩後擢明經授臨勇尉

張志寬 安邑人隋末喪父哀毀骨立為州里所稱賊帥
王君廓屢為寇掠聞其名獨不犯其廬鄰里賴
之而免者百餘家後為里長于縣稱母疾急求歸令問
其狀志寬曰母嘗有苦志寬亦有所苦向患心痛知母
有疾令大怒繫之于獄馳驗其母竟如所言令大異之
慰諭遣去

薛元超 收子九歲襲爵高祖即位數上書陳得失帝嘉
納轉中書舍人弘文館學士中書省有一磐石
初道衡為內史嘗據草制元超每見此石輒泣然流涕
後帝疾政出武后因陽啗乞骸骨卒贈光祿大夫

裴行儉 字守約聞喜人忠憲公仁基子以廕補弘文生
貞觀中舉明經補左屯衛倉曹叅軍時蘇定方

為大將謂曰吾用兵世無可教者今子材賢乃盡畀以
術遷長安令高宗將立武昭儀行儉憂之與長孫無忌
褚遂良等秘議大理袁瑜摘語昭儀母榮國夫人譖之
左除西州都督府常侍麟德二年擢安西大都護西域
諸國慕附之徵拜司文少卿咸亨初為吏部侍郎與李
敬玄馬載同典選設長名榜銓註等法定州縣升降資

擬以為故事時稱裴馬亦云裴李行儉善草隸尤精陰陽筭術負人倫鑒時王勃楊炯盧照隣駱賓王並有才名行儉曰士人致遠先器識而後文藝勃等浮躁銜露豈享爵祿者哉楊子稍沉潛應至令長餘得令終幸矣蘇味道王勳時未知名行儉一見異之曰二公十數年後當居衡石晚年子息恨不見其成俱如其言所引偏裨程務挺張虔昂李多祚等數十餘人盡為名將至刺史將軍者數十人有集二十卷選譜十卷安置軍等二十四訣

柳奭

字子邵楷之長子父嘗使高麗卒奭迎喪哀號夷人傾慕唐末徵間歷中書令後貶愛州刺史

裴琰之

聞喜人末徽中為同州司戶叅軍年少美儀容之琰之命吏書數人連紙進筆斯須判畢文翰俱佳且盡予奪之理崇義大驚曰卿何忍藏鋒以成鄙夫之過由是大知名號霹靂手後為末年令有惠政人吏刊石頌之

裴守貞

聞喜人從稷山春子少孤母喪哀毀癯立養寡姊甚謹舉進士末淳初關中饑悉廩祿奉姊及諸甥身與妻子惡食無倦色轉太常博士天授中為司府丞推覈詔獄務存平恕奏免數十家不合武后旨出為汴州司馬累遷成州刺史吏民懷之轉刺寧州成人送者數千人卒贈戶部尚書

王勃

龍門人通之孫父福時為雍州司功叅軍勃六歲善屬文麟德初對策高第授朝散郎後以罪廢官福時坐勃故左遷交趾令勃往省父道出洪州為閩都督作滕王閣序嘆其天才初祖通續古尚書勃補完缺逸二十五篇兄勛進士劇天官侍郎弟助進士為天官侍郎杜易簡稱為王氏三珠樹

薛季昶

河津人武后時為雍州長史威名甚著嘗說張柬之等去武三思不聽後俱為三思所害昶仕至戶部侍郎

敬暉

字仲暉平陽人聖曆初為衛州刺史是時河北經突厥所騷方秋而城暉曰金湯非粟不守豈有棄

農畝事池隍哉縱民歸歛闔部賴安武后幸長安為副留守以治幹聞璽書勞之長安二年授中臺右丞以誅二張迎復中宗功加金紫光祿大夫進封齊國平陽郡王

張嘉貞 猗氏人以五經舉張循憲薦之武后召見儀止秀偉奏對侃侃拜監察御史歷梁陳二州都督

政尚嚴肅明皇嘉之召回後為中書侍郎同平章事卒謚成肅子延賞

裴炎 聞喜人寬厚有奇節明經及第拜中書令武后廢中宗炎固爭請歸政后大怒捕繫獄坐死流嶺南

裴伯先 炎從子年十七為太僕丞時武后廢中宗繫炎于獄論死伯先求面陳上封事曰陛下為李氏

婦變易嗣子踈斥李氏封崇諸武臣伯父忠於社稷反誣以罪戮及子孫陛下所為如是臣實惜之陛下宜復

子明辟高枕深宮宗社可全不然天下一變不可復收矣太后大怒杖朝堂流之中宗立擢工部尚書封翼城

公

衛大經 鮮州人有修行口無二言遠于易人謂之易聖武后時召之辭疾不應嘗豫筮死日鑿墓自為

誌

裴漼 琰之子累遷監察御史時吏部侍郎崔湜鄭愔坐

容阿黨湜等漼竟正奏其罪當時躓之開元五年遷吏部侍郎典選數年多所特技漼早與張說友善說在相

位數稱薦之上嘉重焉擢吏部尚書封正平公謚懿

裴寬 漼從弟袁州刺史無晦子性通敏工騎射尤長彈

碁投壺景雲中為潤州叅軍事刺史韋詵為女擇婿會休日登樓見人於後園有所瘞訪諸吏曰裴叅軍

居也問狀曰寬不以苞苴汚家適有以鹿餉者致而去不敢自欺故瘞之詵嘆異焉引為按察判官許以女歸

家語其妻曰常求佳婿今得矣明日幃其族使觀之寬瘖而長衣碧家人大笑呼為碧鶴雀詵曰愛其女必覓賢公侯以貌求人乎妻之後兄弟八人皆明經及第臺

省典郡者五人子任俱有名稱治第東京入院相對擊鼓而食當時榮之

尹知章

翼城人少學未甚通忽夢人持巨斧破其心若內劑焉驚悟志思開徹遂明六經為世通儒中

宗時官太常博士因廟議出為陸渾令坐事去張說表諸朝擢禮部員外郎轉國子博士與弟子講授不輟貧者周恤之不事產業卒于官著傳頗多行于時門人孫季良奏頌其德刻著東都國子監門外

薛稷

字嗣通道衡曾孫屬文如良金美玉書畫皆名天下舉進士累官禮部郎中更歷兩省睿宗朝封晉

國公

薛播

榮河人蚤孤伯母林通經史善屬文躬授經諸子及兄弟開元天寶間兄弟七人皆擢進士播溫敏而裕與人交有常李栖筠常袞並器之卒贈尚書

張琇

鮮州人父審素以雋州都督被誣為御史楊汪所誅琇徙嶺南久之逃還殺汪于都城繫表於斧言

父冤狀吏捕以聞張九齡欲活之玄宗謂孝子不顧命殺之可成其志臨刑琇色自如曰下見先人夫復何恨

高秀巖

稷山人開元中從擊吐蕃以功授萬福府別將賜緋魚袋仍留衛京都累遷戶部尚書兼河東

節度使安史之亂肅宗在靈武秀巖星奔行在獻謀刻日期復兩都帝善之乃隨郭子儀李嗣業舉兵預有勞績疾亟遺訓諸子曰潔已者事君之本精誠者神明之祐母近儉人母遠耆德子八人皆顯

裴冕

字章甫聞喜人紀子玄宗朝王鉷為京畿採訪使表署判官既而譖毀之鉷弟錡坐大逆詞及錡冕

時下位抗言其誣錡死李林甫用事寮屬引去賓客無敢窺其門獨冕為殮墓論者義之河西節度使哥舒翰辟行軍司馬十五年玄宗幸蜀太子入平涼建寧王倓曰裴冕衣冠名族必無二心速往就之上策也於是軍聲稍振詔太子為天下兵馬元帥拜冕御史中丞兼左庶子副之與杜鴻漸崔漪等上箋請尊馬嵬之命即皇帝位箋五上太子即位靈武進冕中書侍郎同中書門下平章事封冀國公卒贈太尉配享肅宗廟

張巡

芮城縣人博通羣書身長七尺曉戰陣法志氣高邁開元末擢進士第為清河令有治績後調真源

令祿山反起兵雍丘與許遠合兵拒賊賊蟻附上巡東蒿灌油焚而投之積六十日大小三百餘戰賊敗走追之獲三千人賊將令狐潮至城中矢盡縛草為人衣黑衣服夜縋城下賊爭射之得矢十萬復縋城賊笑不設備乃以死士五百斫營潮軍大亂焚壘而去未幾潮復益兵圍之使郎將雷萬春于城上賊射之萬春面中六矢而不動潮遙謂巡曰向見雷將軍知足下軍令矣然其如天道何巡謂之曰君未識人倫安知天道及出戰擒賊將十四人賊乃夜遁尋尹子奇引兵圍城累戰皆克城中乏食茶紙馬鼠雀皆盡殺愛妾享士謂將士曰吾受國恩所守只有一死耳但念諸君捐軀力戰而賞不酬勲以此痛心耳諸將皆感激巡西向再拜曰臣力竭矣生無以報陛下死當為厲鬼以殺賊城遂陷與許遠等三十六人皆被害後贈揚州大都督墓在芮城縣東十里南張村

薛訥

字慎言仁貴之子也玄宗召為左軍節度後以北伐吐蕃大克封平陽郡公謚昭定

史建堂

河津人唐以功封大元帥史簡其後裔也簡官忠翊校尉生子真真之子遷

裴耀卿

字煥之守真子八歲以神童擢甲第遷充濟州太守時玄宗皇帝東巡至岱供帳東道者十有

六州濟為要衝耀卿指摺供應豐省中程鑾與逐分別賢否頃監使劉日正勸農使盧怡交章治行第一帝曰裴耀卿表數百言莫非規諫真良吏也大水決河諸郡皆俟詔興役耀卿獨臨河護作而成方在河上時詔命宣州刺史恐人怠功秘之督築如故役畢國人皆賀乃出詔命示之郡民駭曰不虞公去之速也咸遮道留之信宿始得行後以討奚契丹有功累京兆尹同平章事謚文獻

裴遵慶

字少良聞喜人天寶進士第一幼而強學內明外晦不干當世補興寧丞調大理丞邊將蕭克

濟督役苛暴役有醜言有司以大逆論遵慶平之救全數十族代宗時僕固懷恩反命遵慶宣慰聽命將入朝

為其將范志誠沮止時帝在陝遵慶脫身赴行在遷太子少傅以尚書僕射知選事每荐賢即削其疏稿雖親近莫知嘗有族子病狂告遵慶謀反帝知其謬置弗問著王政記述古今治體集

高霖皇 稷山人秀岩子兄弟同以孝友直方聞於時充成德軍節度使兼都虞侯經畧副使竭力盡心大著政績

柳察躬 從裕子為德清令世德廉孝颺于河滸士之稱家風者歸焉

柳澤 慶休次子鯁介寡言景雲中為鎧曹參軍太平公主奏復斜封官澤請闕上疏不報開元中為御史諫止周慶立進奇器玄宗善之

裴光庭 性靜默寡交遊明皇朝拜侍中弘文館學士初知星者言天象變不利大臣請禳之光庭曰使禍可禳而去則福可祝而來也論者以為知命謚忠憲

裴稹 光庭子以廕累遷起居郎開元末壽王瑁以母意欲立為太子稹引申生戾園以諫玄宗改容謝之詔授給事中稹辭曰陛下絕詔諫之路為日滋久今臣一言荷殊寵言者將衆何以錫之帝善之尋授祠部員外郎

張介然 猗氏人性慎愿有計畫始為河隴支郡太守與節度使署營田支度等使入奏稱旨賜與甚渥介然啓曰臣位三品當給祭載若列於京師不為鄉人所知願得列戟故里明皇許之別賜戟京師門第本鄉得列戟自介然始安祿山反授河南節度採訪使守陳留城陷被害

薛愿 榮河人為潁川太守祿山陷陳留等郡方圍南陽潁川適當其衝愿與副使龐堅協守城中儲蓄無素賊攻益急與堅俱被執送見祿山於東都繫之洛水屬天寒一夕凍死

柳芳 解州人善文史開元末由永寧尉直史館肅宗時與韋述綴輯吳兢所次國史凡百五十卷又做編

年法為唐曆四十篇時稱其得史體後改集賢殿學士

柳登 字成伯芳之長子淹貫羣書年六十餘始仕為大理少卿與許孟容等刊正勅格官至尚書郎秘書少監

柳冕 字敬叔芳之次子博學富文詞世為史官與父並居集賢院以議論勁切忤執政出為刺史轉觀察使

柳璟 歷吏部員外郎翰林學士奉詔綴成永泰新譜二十篇轉吏部侍郎終柳州刺史

柳鎮 察躬之子肅宗平賊鎮上書言事擢兵曹參軍佐郭子儀府官至侍御史

張子英 絳縣人與裴敬彞張志寬同以孝著列名唐書孝友傳

裴倩 字容卿歷信州刺史勸民墾田二萬畝以治行賜金紫遷度支郎中謚節

王顏 臨晉人晉河東太守司空卓之裔唐慈州文城縣令景祚之孫郴州郴縣丞簡真之仲子登大曆二年進士拜御史中丞出虢州刺史顏好古博極羣書洞悉氏族見六朝以來太原瑯琊二望並稱周靈王太子晉後心竊非之謂太子十八登僊何得有嗣乃援摺往牒斷以王氏為平王之孫赤之後用告來世

張次宗 為中書舍人四代皆掌書誥前此未有

盧綸 字允言河中人德宗朝韋渠牟表其才召見帝有所作輒使廣和號大曆十才子四子簡能簡辭弘正簡求皆有文名第進士

薛公達 擢進士第佐鳳翔軍

耿漳 河東人寶應二年進士為大理司徒終左拾遺有詩集行世

董晉 字混成臨晉人擢明經大曆中李涵署判官使回紇有功累遷尚書右丞貞元中拜相後封隴西郡

公事具韓愈行狀子全道全素溪澣俱登仕籍

柳晟

潭之子少以孝聞從德宗幸奉天自講說賊為朱泚捕繫晟毀械夜亡間歸奉天及車駕還京累遷節度使回鶻還進爵公

曹萬戶

隰州人隋煬之季羣雄蠱起曹翁勇力絕人嘗為民保障後父子歸唐相繼撫綏歿後鄉人思之請於朝建廟崇祀

呂誼

蒲州人少力學士行整飭第進士哥舒翰表度支判官勤總吏職諸僚或出遊誼獨據案鉤視殿最趨靈武見肅宗拜御史中丞所陳時事皆納之後擢同平章事出為江陵尹治有威惠民歌咏之為構生祠卒贈吏部尚書

薛嵩

志氣豪邁以膂力騎射自負為檢校刑部尚書兼相衛洛邢節度使

薛平

嵩子河津人年十二為磁州刺史轉汝州皆有美政累陞工部尚書御史大夫鄭滑潁等節度觀察處置等使數載有功治黃河水滑人無後患為左金吾平子從為汾州刺史堤文瀘二水溉田汾人利之贈工部尚書

裴諝

字士明寬子母喪居東都史思明亂逃山谷間思甚呼為郎君偽授御史中丞賊殘殺宗室諝陰援之全活數百人密疏賊虛實於朝事泄思明恨罵垂死而免賊平除太子中允代宗幸陝徒步携印赴行在帝嘉之曰疾風知勁草德宗即位尚刑名百吏震懼時大行將歲陵事禁屠宰郭子儀家人宰羊諝列奏帝嘉其不畏疆禦或曰尚父社稷臣不為地乎諝笑曰尚父貴盛上新即位必謂党附衆今發其細過上盡事君之道下安大臣不亦可乎汾陽聞之悅服贈禮部尚書

裴向

字係仁遵慶子少有學以廕得調建中初同州刺史李紆奏署判官時李懷光叛使其將趙貴先築

壘同州行奔奉天以向領州事貴先賜吏督役不及期者斬民駭散向詣貴先開諭之乃降州得不陷歷陝虢觀察使以吏部尚書致仕內外親屬百餘口俸祿必均世稱孝睦

衛次公

蒲州人建中間進士歷殿中侍御史翰林學士順宗立王叔文等弄威柄次公多持正後以檢校工部侍郎為淮南節度使

呂溫

字和叔有奇表藻翰精好連中四科貞元中召為集賢校書治書侍御史謫道州司馬遷衡州刺史卒于官二州之人哭者逾月劉夢得云和叔年少遇主而卒以謫似賈生能明王道似荀卿始學左氏書故其文徵為富艷元微之有詩哭之

張延賞

嘉貞子博涉經史通曆法大曆初除河南尹治行第一所至民頌其愛後拜中書侍郎同平章事

張喜佑

任金吾衛將軍每朝軒蓋騶道盈閭巷

張弘靖

元和中同平章事繼祖父三世入相並有名德時稱三相張家號其所居為鳴珂里

呂渭

蒲州人舉進士建中末為禮部侍郎時中書省有古柳枯死德宗自梁州還復榮茂人以為瑞柳渭令貢士賦之子恭與父齊名柳子厚以為賢豪絕人

柳渾

慶休子幼有相其天者父令從釋渾曰去聖教為異術不若速死學愈篤第進士官至中書平章事忠直敢言嘗料吐蕃劫盟果然德宗厚禮之謚貞

王含

河津人績之後長于詩文有祖風韓昌黎推重之嘗為書文以相交往

暢當

河東人進士第貞元初為太常博士昭德皇后崩皇太子服制無文當奏晉元皇后崩杜預議古太子三年喪既葬除服魏亦既葬為節今皇太子宜如魏晉制帝曰皇太子服期初非朕意暢當等請如魏晉故

事至論也當以為令遷果州刺史卒

馬存亮

蒲州人為左神策中尉監淮南軍逮事德宗更六朝忠貞端謹唐世中貴之賢惟存亮與西門

李元嚴遵美三人而已

封常清

猗氏人幼孤貧從外祖學年過三十未有名一日投牒請豫都知兵馬使高仙芝下僚從仙芝

以貌陋兩請不納常清怒曰我慕公義願事鞭勒公以貌取士恐失之子羽仙芝不得已竄名僚中會討達奚諸部常清潛作捷布甚悉仙芝取讀皆意所欲出乃大駭即知之遂知名累以軍功擢為范陽節度使

薛珏

字溫如蒲州人初仕為乾寧令以清白聞課第一遷楚州刺史德宗命使者分諸道黜陟李丞狀其

簡趙贊言其廉盧翰稱其肅交薦之拜中散大夫賜金紫除司農卿

裴行立

稷山人橋卿孫伯言子重然諾學兵有法母亡泣血幾毀以軍勞累授泌州刺史遷衛尉少卿

口陳願治民試一縣自效除河東令寬猛時當著有治績由蘄州刺史遷安南經畧使環王國叛人李樂山謀廢其君來乞兵行立不受命部將杜英策討斬之歸其孥蠻人悅服英策及范廷芝皆洞谿豪也隸於軍他經畧使多假借暴恣干法行立陰把其罪陽貸之許自效故能得英策死力廷芝嘗休沐久不還行立召之約曰軍法踰月斬異時復然爾且死後廷芝又踰期行立笞殺之以屍還范氏更擇其良子弟以代威肅風行徙桂管觀察使黃家洞賊叛討平之代桂仲武為安南都護召還道卒年四十七贈散騎常侍

裴埴

字弘中間喜人弱冠舉進士貞元中制舉賢良極諫對策第一元和初召入翰林學士知制誥轉考

功郎中中書舍人三年詔舉賢良皇甫湜對策激切牛僧孺李宗閔亦苦詆時政考官楊於陵韋貫之取三子皆上第埴覆視無異及為宦幸泣訴請罪于上憲宗出楊韋官罷埴翰林學士為戶部侍郎然上知埴直信任彌厚其年秋李吉甫出鎮淮西以埴代為中書侍郎同平章事埴素峻整雖宿貴不敢予以私有故人求京兆

曰公才不稱此官謝之吐突承權初自東宮有幸欲乘間關說帝以垣在側誠無言帝素憚垣每稱其官不名上籍李錡家輸京垣與李絳言錡剝六州以富其家今以籍輸京恐遠近失望請賜浙西百姓代租賦上嘉從之垣在翰林與李絳崔羣同掌密命及相用韋貫之裴度知制誥李夷簡為御史中丞後踵為相其餘量才副職皆叶人望朝無佞人時稱元和之治

陽城

字亢宗夏縣人初求為吏隸集賢院竊院書讀之無所不通遠近慕其行來學者接跡于道李泌言之德宗拜諫議大夫五年不言韓愈作爭臣論譏之城與二弟延賓客日夜飲八年人不能窺其際及裴延齡

誣陸贄等帝怒甚無敢言者城約拾遺王仲舒等守延英閣上疏極論延齡罪申救陸贄等累日不止帝大怒召宰相抵城罪皇太子開救得免帝欲相延齡城曰若用延齡為相吾當取自麻壞之哭于庭坐是遷國子司業簡孝秀講經籍生徒斤斤皆有法度出為道州刺史太學諸生何蕃等二百人頓首闕下請留數日不得上

至道州州產侏儒歲貢上城至無所進上使索之奏曰州民盡短若以貢不勝數矣自是罷父老感之以陽名于觀察督賦急城自署曰撫字心勞催科政拙考下下順宗立召還而城已卒

范希朝

臨晉人德宗幸奉天以戰守功累遷御史中丞復為振武節度使斥邏嚴密邊人不敢橫憲宗

時檢校尚書左僕射歷朔方河東節度使率師討王承宗敗之時號名將以太子太師致仕

裴佖

字弘正稷山人綜子幼能文第進士補校書郎授藍田尉帝幸梁佖奔行在授補闕李懷光以河中

叛佖建議請討詔用盧杞為饒州刺史佖執不可遷諫議為黔中觀察部落安服歷同州刺史中書舍人尚書右丞改吏部侍郎以疾為國子祭酒卒贈吏部尚書諡貞佖清勁明銳所與友皆第一流若鄭餘慶尤厚善旣歿餘慶為行服士林羨之子

樊澤

蒲州人舉賢良方正喜兵法有將帥才擢左補闕嘗召對延英殿德宗嘆其論兵合意旨累遷山南

東道司馬節度使擒賊將張嘉瑜等取唐隋二州威惠著襄漢間後加檢校尚書左僕射卒帝罷朝贈司空子宗師力學通解著春秋傳魁紀樊子凡百餘篇別集尤多韓愈稱其議論平正有經據嘗薦其才累官絳州刺史有治績進諫議大夫未拜卒

趙匡 蒲州人與陸淳啖助同解春秋為時名儒後學宗之歷官澤州刺史

薛戎 字元夫榮河人年四十不仕客陽羨山觀察使辟署不就自放江湖間後因藩府交薦為河南令累

遷浙東觀察使政尚寬和弛苛禁有善歸之所部官無灼灼聲去人思之俸給多濟內外親故卒贈左散騎常

侍弟放端厚寡言居官達治理之要以論語為六經精華孝經為人倫大本舉進士累官刑部侍郎

張瓚 河中人才器超邁年未二十以鄉試魁陝西河東不幸夭張吉甫吊之曰惜哉器之真丈夫少年

讀徧天下書一事不成死於途其為名流嗟惜如此

曲環 安邑人少喜兵法勇敢善騎射天寶大曆中累立戰功德宗初威名益振賜名馬封魯昌郡王李希

烈陷汴州環斬賊三萬五千級進檢校工部尚書兼陳州刺史希烈平改陳許節度二州比為寇衝民苦剽鹵

客他縣環勤身節用寬賦歛簡條教不三歲歸者襁保訓農治兵穀食豐行轉檢校尚書左僕射卒贈司空

柳宗元 字子厚解人曾祖奭中書令父鎮殿中侍御史宗元文章卓偉第進士中博學宏詞科拜監察

御史坐王叔文黨貶永州司馬徙柳州刺史革男女質錢之俗觀察下其法於郡歲免歸甚眾為文益進與韓

愈齊名世號柳柳州有文集傳世嘗謂崔勇曰好辭工書皆病僻也吾不幸早得二病日思針砭卒不能去

裴度 字中立聞喜人貞元五年進士初授河陰縣尉拜監察御史疏論權倖出為河南功曹元和六年以

司封員外郎知制誥轉郎中魏博節度使田季安卒子懷諫幼牙軍立田興為留後詔度宣諭魏人悅服還拜

中書舍人改御史中丞下却令裴寰為五方鷹犬使所奏上怒下寰獄宰相不能救上以事語度對曰令長愛

惜百姓如此豈可加罪上釋之轉刑部侍郎奉使蔡州
 宣諭諸軍還帝問諸將才對曰臣見李光顏見義能勇
 終有所成未幾破賊帝嘆度知人王承宗李師道謀緩
 蔡師伏盜京師刺宰相武元衡及度度傷首冒穽得不
 死議者請罷度安二鎮反側帝怒曰度得全天也若罷
 賊計行矣朕倚度一人足破三賊傷愈拜中書侍郎同
 平章事時討蔡數失利羣臣爭請罷兵度奏病在心腹
 不去終大患兩河視順逆臣請身自督戰明日延英重
 議上獨留度曰卿必能為朕行乎度俯伏流涕曰臣勢
 不與賊俱存昨見元濟乞降表賊實窘蹙諸將不一未
 能成功臣自赴行營諸將各欲立功破賊必矣上然之
 拜淮西宣慰招討處置使元濟就擒度下令除元濟苛
 政蔡人始知有生人之樂以蔡牙卒置帳下曰蔡人即
 吾人也申光之民即時平定還朝加金紫光祿大夫弘
 文館大學士上柱國封晉國公五坊使揚朝汶以私債
 許盧坦子錢諫官交論之度與崔羣極言憲宗曰且與
 卿論東都此小事我自處置度曰用兵小事也五坊追
 捕平人大事也兵不理祇憂山東五坊暴橫恐亂輦轂

上不悅久乃悟召朝汶數曰為爾使我羞見宰相遽命
 誅之開成二年詔以本官兼太原尹北都留守河東節
 度使固辭不許遣官宣慰曰卿雖多病為朕卧鎮北門
 可也三年冬病甚乞還東都許之四年詔還京拜中書
 令寢疾未任上遣國醫就第診視上賜宴曲江羣臣賦
 詩度疾不能赴上遣中使賜詩仍札曰朕詩集中欲得
 卿唱和詩故令示此勉加調攝詔及門度已薨自為志
 年七十六歲遺表以儲貳未定為憂上震悼輟朝四日
 贈太傅以晉國公加中書令配享憲宗廟子五人識誤
 讓諭議識字通理性通斂書經目不忘襲晉國公出為
 涇原節度使治保障飭戎器開屯田立戍限邊人悅之
 加檢校戶部尚書歷鳳翔忠武天平邠寧靈武等軍節
 度使進檢校尚書右僕射卒贈司空謚昭祀平涼名宦
 諡廕補歷考功員外郎翰林學士累遷工部侍郎詔加
 承旨終太子少師封河東郡公黃巢盜國進以官不受
 遂遇害

裴潏 聞喜人篤學善隸書元和初擢左補闕遷起居舍
 人憲宗喜方士潏舉秦漢事以諫帝怒貶江陵令

穆宗立召拜刑部郎中持法不阿嘗哀古今辭章續梁昭明太子文選自號太和通選卒贈戶部尚書謚敬

胡証 解州人舉進士累遷諫議大夫元和間以材畧選拜振武軍節度使後以兵部尚書為和親使請儉

用省費以絕鬻官之濫使漢南欲勝屈之証固不從還拜工部侍郎

薛存誠 字資明榮河人進士第憲宗時累官御史中丞浮屠鑿虛倚宦豎為姦坐事下獄存誠窮劾得

賊數十萬有詔釋之存誠不奉詔鑿虛竟抵死時論直之子庭老進士第讜正有父風文宗時累官翰林學士

毛若虛 太平人任陝西武功縣丞眉長覆目性鷙悍不避權要累官至御史中丞

薛莘 榮河人為長安令歷虢州刺史憲宗時奏最遷御史大夫封河東郡公所居守法度務在治身安人

祿賜分親故家無餘藏卒贈工部尚書謚宣子膺為右補闕內供奉次齊佐興元李絳幕府絳遇害齊死之

崔元亮 吉州人擢進士第元和初為駕部員外郎清慎自持太和中改諫議大夫每遷官輒讓形于色

文宗時以直諫名朝廷推為宿望移疾歸東都召為虢州刺史

楊巨源 蒲州人初為太常博士太和中遷國子司業以能詩訓後進及致仕歸丞相惜之白以為本郡

少尹不絕其祿有詩集行世

王質 通五世孫少孤客壽春力耕養母講學授徒無仕進意逾四十始擢科累官諫議大夫以直諫出為

虢州刺史後為河南尹終宜欵觀察使清白畏慎所至有惠愛

薛逢 蒲州人會昌初進士調萬年尉崔鉉為相引置弘文館歷侍御史有薦逢知制誥者為當道所忌出

為巴州刺史遷秘書監有文集行世

薛齊 寶鼎人右補闕內供奉薛膺之子河東郡公莘之孫佐興元李絳幕府絳遇害齊因死之

王駕 字大用河中人昭宗大順初進士及第仕至尚書禮部員外郎自稱守素先生與司空圖鄭谷為詩

友著有
詩六卷

司空圖

字表聖虞鄉人咸通末擢進士第王凝貶商州圖感知已往從之凝起觀察宣歙乃辟置幕府

召為殿中侍御史不忍去凝府坐劾左遷光祿主簿分司東都改相盧攜居洛嘉圖節義常與之游攜復執政召拜禮部員外郎尋遷郎中黃巢陷長安奔行在拜知制誥遷中書舍人後遷河中累拜諫議大夫戶兵二部侍郎皆固辭隱居王官谷朱全忠篡位召為禮部尚書不起哀帝被弑圖聞不食而卒其志凜凜與秋霜爭嚴真烈丈夫哉嘗芟松枝為筆管曰幽人筆當如是與人疏不名官位但稱知非子又稱耐辱居士

曹文行

安邑人與孫懷應相里志降陽王操邵泣同張衡曹存勳李文褒董文海李文秀張儼兒張公

憲皆事親居喪著至行者任君義衛開皆數世同居者天子皆旌表門閭賜粟帛州縣存問復賦稅有授以官者見唐書

姚棲雲

河中永樂人父沒於邊廬墓終身詔表其門子岳親喪廬墓岳子君儒君儒子師正皆居親喪

廬墓歷四世焉

後五代

裴迪

河東人明敏善治財賦精簿書梁祖用兵四方留迪以調兵賦梁祖自岐還將吏皆賜迎鑿協贊功

臣梁祖曰協贊之功惟裴公有之他人不足當也

裴皞

蒲州人仕唐為禮部侍郎每陳朝廷闕失宰相桑維翰皞所取進士維翰過皞皞不迎送人間之曰

我見桑公於中書庶僚也桑公見我於私第門生也何迎送之有

裴約

聞喜人唐莊宗以李嗣昭為昭義軍節度使約以裨將守澤州嗣昭卒子繼韜以澤潞叛降于梁約

集州人泣而諭曰繼韜違背君親吾寧死於此不能從以歸梁也眾皆感泣梁遣董璋率兵圍之約與州人拒

守求救于莊宗莊宗聞繼韜叛降梁頗有憂色及聞約不叛喜曰約能分逆順耶吾不惜澤州與梁一州易得約難得也命符存審五千騎馳取約來及存審至遼州而梁兵已破澤州矣約戰死澤州立廟祀之

劉訓 赤和人父和仕唐為兵部尚書隰州刺史高誼偉績禪時風世訓仕後唐至彰武軍節度丹陽等州觀察制置使耀忠保節建績傳芳後封開國侯贈太尉

桑維翰 浮山人幼苦學慨然有志於公輔初舉進士主司惡其姓與喪同音不取人有勸其不必舉進士者維翰著日出扶桑賦以見志又鑄鐵硯示人曰硯穿則改而他仕竟登進士及第仕晉為翰林學士平章事晉氏之興維翰之力居多

楊彥詢 寶鼎人晉高祖鎮太原以為太原節度使天福七年徙鎮國遭歲大饑為政有惠愛民賴以甦以病風罷為金吾上將軍卒贈太子太保

宋

王繼勳 平陸人初仕後周歷憲麟等州刺史宋初授道州刺史嘗上南漢可圖狀王師南伐以為賀州道行營都監繼勳有武勇在軍陣常用鐵鞭鐵槊鐵搥人目為王三鐵

袁彥 河東人少以驍勇應募嘗從周世宗討淮南累官彰信節度使宋初加檢校太尉

裴瑾 萬泉人仕至永清軍節度掌書記乾德初轉右補闕隸職如故開寶初加上柱國

柳開 河中人父承翰仕周官至監察御史開幼有器識作文宗法韓愈嘗有書生接語以貧不能葬親將謁友求資開問費幾何曰得錢三十萬可矣開即罄其貲得白金百兩錢數萬以遺之仕為代州守輯城壘戰具以禦寇

劉綜 虞鄉人雍熙初舉進士累官陝西轉運副使景德中拜樞密直學士知并州以政績聞及去州民乞

留優詔褒獎弟裨舉進士官至刑部郎中

李興 蒲州人咸平間契丹內侵真宗狩魏興以東班殿侍隨節度使康保裔提兵赴敵軍陷興死之詔其

子桓為西班牙殿直累官皇城使賀州團練使

邢昺 浮山人遠於學侍太宗進講易師比二卦帝嘉其精博召為國子監丞專講學之任真宗始置翰林

侍講首以命昺後至學士嘗註論語孝經行於世

薛田 河東人少師种放與魏野友善進士起家歷知河南府天雄軍益州累遷右諫議大夫知延同二州

性和厚才幹敏數為大臣所稱

裴濟 字仲溥稷山人耀卿八世孫少事晉邸出補太康鎮將太平興國中江表盜起命為巡檢遷崇儀副

使轉崇儀使監戎兵於威魯軍次鎮州夜有盜騎假官軍至濟曰此必妄也不納及旦果遯去太宗嘉之遷西

上閣門使尋知定州契丹三萬騎來攻濟逆擊徐河斬獲甚多淳化初為鎮州行營鈐轄使於唐河擊賊有功

優詔褒美歷定鎮二州凡十五年威績甚著再領順州團練使知靈州謀輯八鎮興屯田之利民甚賴之時清

遠軍陷夏人大集斷饑道孤軍絕援濟刺指血染奏求救兵不至城陷死之上聞嗟悼特贈鎮軍節度使子德

裕以錄廕自四門助教拜太子右贊善大夫累官少府監勳上柱國爵開國侯以老分司西京為吏廉清不擾

始知蓬絳解號澤沂六州皆有能政

高繼嵩 霍州人唐相士廉後以武勳進事真宗仕至銀青光祿大夫檢校太子賓客保州刺史兼御史

大夫騎都尉渤海縣開國伯贈武定軍節度使

董孝章 解州人真宗時十世同居同時又有潞州邢濬八世同居隰州趙友七世同居以所在請加旌

表從之仍蠲其課調

薛顏 萬泉人舉三禮中第歷河東陝西轉運使河中浮橋歲為水所敗顏醜上流為支渠以殺水怒因取

渠水溉田民頗利之仁宗即位遷給事中歷光祿卿

司馬池 夏縣人少孤家貲數十萬悉推諸父而自力讀書舉進士知光山縣仁宗朝知鳳翔府召知諫

院表懇免上曰人皆嗜進池獨嗜退官至天章閣待制知晉州初池將試殿庭報母亡友匿其書池心動遂馳

歸

王曙 河津人唐東臯子績後中進士累官樞密直學士知益州仁宗時拜同中書門下平章事卒謚文康

子益柔少力學通羣書官龍圖閣學士知應天府

孫復 字明復平陽人舉進士不第居泰山著春秋遵王發微二十篇石介及魯學者多師事之年五十不

娶枯槁憔悴鬚髮皓白故相李迪守充見之歎曰先生年五十一獨居誰事左右不幸風雨飲食生疾奈何吾

弟之女甚賢可以奉箕帚復固辭迪曰吾女不妻先生不過一官人妻先生德高天下幸婿李氏復曰相公女

不以妻公侯貴戚而固以嫁山谷衰老藜藿不克之人相國之賢古無有也予不可不成相國之賢遂娶之李

氏亦其淡薄事其夫盡禮給事孔道輔剛直嚴重不妄與人聞其風欽侍左右慶曆中范仲淹富弼言其道德

經術宜在朝廷召拜國子監直講後坐貶翰林趙槩等上言復行為世法經為人師不宜棄遠方復原職官至

殿中丞嘉祐中卒復在太學天子臨幸賜緋衣銀魚及喪予其家錢十萬公卿大夫士庶諸生相吊賻治喪事

方病時韓琦言于天子選書吏給紙筆命門人祖無擇就其家得書十五篇錄之藏于秘閣塋鄆州須成縣盧

泉鄉之北扈原子大年

張觀 垣曲人中服勤詞學科第一通判解州仁宗時擢御史中丞條上十餘事拜同知樞密院事後遷尚

書左丞趣尚恬曠持廉少欲仁宗嘗飛白書清字賜之以賞其節

張會元 翼城人仁宗朝鄉舉累舉進士不第退而講授
于學一時人才彬彬有造募修文廟先聖賢像
文潞公記稱之載
學官志祀鄉賢

司馬旦 字伯康池子清直強敏由秘書省校書郎歷鄭
州縣知梁山軍安州治郡有大體所施設適理
便事惠政及人歷官大中大夫熙寧八年致仕旦澹薄
無慾與人交以信義喜賙急友愛弟尤篤光被召門
下侍郎固辭不拜旦曰生平誦堯舜之道思致其君今
時可而違非進退之正也光愾然就位天下聞之皆欣
然為長者之言與富弼文彥博諸賢為真率會衣冠偉
然所至都人聚觀之旦生於丙午又與程珣諸賢為同
甲會賦詩繪像世稱盛事比唐九老云仲子富字希道
善屬文仕為承議郎通判陝州事季子宏性剛正紹聖
黨事起上書論辯得罪謫永
州終陳留令卒死於黨禍

司馬里 字昭遠温公再從兄父沂贈尚書都官郎中以
孝謹稱喜賙鄉人而自以惡衣食終其身里第

進士麗籍為鄜延經畧使奏通判鄜州州將不法里正
色力争不少假借廉靜質直所至有惠政每罷官至京
師未嘗有所謁終太常少卿為人孝友寬厚容物內守
勁直善為詩

司馬宣 字周卿温公再從兄父浩慷慨尚義葬其族二
十喪贈衛尉卿宣以廕補累官駕部員外郎初
為華州司戶叅軍時多滯獄宣為直而釋之及母喪歸
釋者炷香於頂泣送之宣履官廉正處事精詳喜愠不
形恬靜不矜及卒
聞者無不嘆惜

司馬光 字君實池次子七歲凜然如成人聞講左氏春
秋愛之手不釋卷嘗作圓木為警枕少睡則枕
轉而覺即起讀書寶元初進士時年二十初判并州擢
同判尚書禮部言日食不滿分不當賀繼言儲嗣當立
帝皆納之累官端明殿學士知永興軍上疏極言青苗
助役法不便因求去判西京御史臺歸洛自是絕口不
論事帝謂資治通鑑賢于荀悅漢紀數促使終篇及成
加資政殿學士凡居洛陽十五年天下以為真宰相田

夫野老皆號司馬相公婦人孺子亦知爲君實也神宗崩赴闕臨衛士望見皆以手加額所至民遮道聚觀曰無歸洛留相天子活我百姓哲宗初召拜左僕射元祐元年得疾時青苗免役將官之法猶在西戎之議未決光堯曰四患未除吾死不瞑目折簡與呂公著云光以身付醫以家事付愚子以國家事屬公旣而詔免朝覲許乘肩輿三日一入省光不敢當曰不見君不可以視事詔令光子康族入對乃論免役五害又立十科薦士法皆從之拜尚書左僕射兼門下侍郎遂罷青苗復常平司是時兩宮虛已以聽遼夏使至必問起居勅邊吏曰中國相司馬矣勿輕生事開邊隙海內之民得離新法之苦歎若更生稱其有旋乾轉坤之功光自以言行計從欲以身殉社稷爲之益力病革不自覺諄諄如夢中語然皆朝廷天下事也卒贈太師溫國公謚文正京師人罷市往弔鬻衣以致奠嶺南封州父老亦相率具祭都中四方皆畫像以祀飲食必祝光孝友忠信恭儉正直居處有法動作有禮事兄且如父自少至老未嘗妄言自言吾無過人者但平生所爲未嘗有不可對人

言者耳誠心自然天下敬信陝洛間師其學化其德有不善曰君實得無知之乎于學無所不通惟不喜釋老曰其微言不出吾書其誕吾不信也有文集八十卷他著述二十種五百餘卷建炎中配享哲宗廟咸淳中從祀孔子廟庭子康另有傳

郭純 洪洞人治平中進士官至宣德郎長于史學溫公稱其有遷固才子且亦舉進士宣和間簡州文學終亳州司法叅軍因家亳

薛奎 字宿藝絳州人舉進士第一乃推里人王嚴而處其下仕爲隰州推官能辨疑獄擢知興化陝西副使募民鑄錢而收其鐵租大便之多異政遷御史中丞契丹使蕭從順來朝時莊獻明肅太后垂簾聽政從順多不遜奎折以理累官樞密直學士知益州在開封因圖一空有老媪告子不孝子訴貧不能養奎與以俸錢遂母子慈孝仁宗時叅知政事上曰先帝言卿可用今用卿矣嘗使契丹正議服其君臣後契丹使來必問起

居聞已用乃曰得人矣奎性剛不苟合遇事敢言尤能
知人卒贈兵部尚書謚簡肅兄藁有隱操以子恩贈龍
武軍將軍弟塾內殿崇班歐陽公稱其賢不媿於兄子
直孺謹飭好學初為殿直累拜大理寺丞從子長孺尚
書駕部員外郎良孺

劉太 夏縣人居親喪不飲酒食肉終三年司馬光稱為
今士大夫所難能作序賻禮并叙其弟永一鄉人

周文燦 蘇慶文臺
亨之行以傳于世

劉永一 夏縣人孝廉謙謹熙寧初巫咸水溢民多溺死
永一持竿立門前見他人物溺水者輒為撿出
之鄉人負債不償立焚其券兄太為醫助教司馬君實
為作傳

姚宗明 河中人棲雲十世孫棲雲父沒廬墓終身唐時
表其門棲雲後四世廬墓至宗明十世同居慶

曆中復其家自後又
三世同居孝睦不替

母守素 河津人官至侍郎奉親惟謹居官雖盛暑暮歸
必朝服執簡以申昏定之禮當時以孝稱之

薛映 榮河人元超八世孫知并州治尚嚴明每冠帶待
旦雖寒暑不異

師範 靈石人元祐初進士督岢嵐軍政兼平定岳陽有
惠澤及人軍民感慕後復督理江南先是江南民

苦於賦役乃奏茶為天地自然之利請稍增其稅而民
之賦役少息既不病民亦不病國江南人圖像祀之

司馬康 字公休文正公子幼端謹不妄言笑事父母至
孝敏學過人博通羣書以明經上第居母憂勺

飲不入口者三日杖而後起見者哀之温公居洛士之
從學於公者退與康語未嘗無所得奎之人見其容止

雖不識皆知其為司馬公之子也公修通鑑康有助焉
公薨執禮如母哀毀過之治喪用禮經得遺恩悉以與

族人為講官上疏陳前世治少而亂多祖宗創業之艱
難積累之勤勞以勸其君及時向學守天下大器其言

切至又言孟子為書最純正陳王道尤宜觀覽既病猶
力解孟子二卷會除諫議未受條具諸所當言以待曰

得一對極言而死無所恨矣及卒公卿以至市井之人無不哀之為人廉潔口不言財初立温公神道碑常遣使賜白金二千兩康以費皆官給辭不受不聽遣家吏入京師納之乃止范祖禹為誌其墓康卒時子植幼宣仁太后憫之呂大防謂康素以邵伯温為可託請以伯温為西京教授以教植伯温至官誨植曰温公之孫大諫之子賢愚在天下可畏也植聞之力學不懈卒有立於世孫伋字季思出鎮廣州終開國伯吏部侍郎所交皆天下名士洪邁輩樂與之遊凡温公之書必梓行之於資治通鑑得公凡例於殘稿中撮其要例傳於世予奪之旨大明克昌家學大有功於文正高宗南渡扈從寓杭今為山陰之始祖云

甯智 曲沃人舉鄉貢進士精通五經教授晉絳門人皆登通顯元祐中上問樞密院副使王巖叟曰從誰學對曰從河東甯先生其德行學問見重當時

薛向 萬泉人顏孫制置解鹽兼提舉買馬又歷知數州皆有聲元豐初同知樞密院事卒謚恭敏向幹局

絕人尤善商財計筭無遺策子紹彭有翰墨名仲嗣昌官至刑部尚書

司馬京 字亢宗温公再從子父諮為人謹厚孝友自幼無子弟之過贈尚書比部郎中京以廕補累遷

駕部員外郎通判潞州事為人彊直幹斂所至吏民稱之

李居仁 曲沃人父早喪事母至孝日授生徒以供飲膳母歿築土為墳高四丈餘時名其巷曰孝母名

其族曰墳臺李氏至今因之

蘇慶 夏縣人事繼母以孝聞嘗語其嬭曰汝事吾母小不謹必逐汝繼母少寡而無子由是安其室終身

宋史在孝義傳

許翰 襄陵人欽宗時為中丞胡安國罷翰入見上問曰識安國否對曰自蔡京得政士大夫無不比附惟

安國超然不為所污遂除中書舍人高宗南渡擢翰尚書右丞會李綱罷相力求去不許及陳東得罪乃曰吾

與東皆爭綱者東受戮而吾在廟堂可乎為東著哀辭
八疏求罷遂提舉洞霄宮著有春秋傳註

趙鼎 字元鎮聞喜人學邵子于其子學程子于其門人
崇寧中進士授開封士曹疏斥章惇悞國出為洛

陽令京師失守金人議立張邦昌鼎不書議狀高宗幸
建康鼎言以六官所止為行宮車駕所至為行在上四

十事遷御史中丞忝知政事朱勝非忌之除知樞密院
宣撫川陝適淮報至帝曰卿豈可遠去遂以鼎為尚書

右僕射兼樞密院事制下朝士相慶鼎請罷王安石從
祀尊二程子書門人存者錄用人才當用者條列左右

次第奏行時稱小元祐儀真之捷帝語張浚曰趙鼎真
宰相天使佐朕中興可為社稷幸嘗親書忠正文德四

字賜之浚在江上遣呂祉奏事所言誇大鼎抑之帝謂
鼎曰他日使浚與卿不和者祉也會鄺瓊執呂祉以全

軍降劉豫浚引咎去復召鼎入對拜尚書左僕射上曰
浚罪當遠竄鼎言浚母老且有勤王功上意乃解秦檜

以鼎關和議乘間擠鼎出知紹興又徙知泉州檜諷謝
祖信王次翁論鼎謫興化軍移漳州又潮州安置在潮

五年杜門謝客不談時事詹大力誣鼎賄囑潮守改置
吉安軍上表謝曰白首何歸悵餘生之無幾丹心未泯

誓九死以不移檜曰此老蠅強猶昔在吉三年門人故
吏不敢通問惟廣西帥張元宗時餽粳米檜知之令本

軍月具存亡鼎自書墓石籍里除拜日月銘旌云身騎
箕尾歸天上氣作山河壯本朝遂不食而卒時紹興十

七年也明年得旨葬衢州子份護喪守臣張傑以中外
士大夫必會葬密遣縣尉翁蒙之搜私囊掩取以為奇

貨蒙之急走僕自後園墻出密告份焚篋中書及弓刀
之屬比兵搜無所得始免孝宗即位追贈豐國公謚忠

簡配享高宗廟著有
得全集三百餘篇

孟宗政 絳州人父林從岳飛至隨州因家焉宗政有膽

畧開禧中為西京鈐轄駐劄襄陽屢敗金人代

許國為荆鄂都統制置忠順軍威振境外金人呼孟爺

爺宗政好賢樂善有功者怨必賞有罪者親必罪死之

日邊城為罷市勸

哭子琪亦為名將

平陽府志

司馬朴 且孫父宏因黨事謫永州朴以外祖范純仁遺

邵雲 龍門人從觀察使李彥仙守陝州金人攻城破雲

上凡五日磔殺之至抉眼摘肝誓不絕喉斷乃已初行

刑將劊及雲叱之失刃而斃其忠勇如此

呂元登 夏縣人觀察使李彥仙之愛將金人婁宿圍陝

仙泣曰圍久不知公安否今得見公死無恨創悶方卧

聞殺聲遽起戰死

史緒 字仲昌曲沃人徽宗時為左清道帥府副遷驍衛

將軍世明法律為人忠厚寡言外貌莊毅內懷明

恕雖家人相對無情容居官決讞持平不移於私卒贈

左武衛大將軍

段季良 稷山人曾祖應規司理參軍門族蕃大號所居

薛繼先 猗氏人好學有高行少舉鄉試南渡後隱居教

授不接權要事母以孝聞子純孝有父風俱以

能詩有聲于時

侯仲良 河東人父道濟娶程珣女仲良呼二程為舅氏

几積佛書俱去之朱

子稱其學清白勁正

金

麻秉彜 臨晉人性純孝自幼敏悟能屬詩文皇統中進

士歷官兵部侍郎有能聲

喬宸 洪洞人天德中進士官至河東南路按察使詩詞

俱有名子宇八歲能鼓琴召入東官顯宗稱其不

凡後為益都按察轉運使與田琢俱歿於兵

陳克基 其先自洛徙臨晉祖揮宋慈州司士曹有清操

李愈 絳州人慷慨尚志節正隆中進士為監察御史彈劾無避累遷刑部尚書在朝多建明後封隴西郡侯謚清獻著

有在愚集 段鐸 稷山人少孤師事兄鈞正隆初與兄鈞同登進士人呼為河東二段號所居曰雙桂里鈞以文行著

未仕而卒鐸由長安簿歷兵部主事審決河北路刑獄曹州刺史華州防禦使所至皆有異績上疏乞歸進階

中奉大夫封武威郡開國侯 梁襄 絳州人性穎悟日記千餘言大定初進士世宗將

遷保大軍節度使襄於春秋左傳地理氏族無不該貫

楊時 見宦績 鄭時昌 字仲康洪洞人孝友性成八歲通易讀書過目

成誦晝夜寒暑不輟大定間對策第一世宗欲

以典樞要辭不受曰顯名于當年傳道于來世吾之願也遂就汾州教授抵西河訪子夏之道行河汾之傳理

學大明士子翕然從遊如雲文風為之丕變編韻類節事并羣書會要行于世

郭用中 平陽人大定七年進士歷浮山簿陝州錄事所著有寂然居士集

張玘 河中人大定中登進士第仕定國節度同知子錕刻意於詩五言尤其所長時稱為張五言所著有

集 韋齋 毛麾 平陽人大定十六年舉學行賜進士出身授校書

郎入教官掖歷太常博士終於沁州知州事有平

永集 行世 許琇 曲沃人大定進士會兵亂負母避居山東既而歸

鄉服父之喪始終如禮子良見孝子傳孫天麟自童時寡言笑博學能文尹河津出奸慝去苛細凡病民

者悉除之以奉訓大夫晉寧路判官致仕天麟子益優

易府志 卷之二十三 人物上

問學善楷書尤工於詩
益子德基任晉城知縣

陳賡 字子颺別號默軒臨晉人仲謙長子擢明經累官
河東山西道行中書省參議有才名與太原元好

問游從宦寓中一時雅合詩文數相贈遺大同路儒學
教授房祺纂錄其詩自麻革張宇房輿段克已成已曹

之謙及賡庾兄弟八人號曰河汾諸老詩集弟庾與兄
齊名除平陽路提舉有詩載集內廩亦有文名膺追封

穎川侯
謚莊敬

趙文昌 平陽人博學好持論明昌中進士仕至遼東路
監使子觀從事史院性資謹厚不忤于物

陳規 稷山人明昌中進士授監察御史嘗上書言侯摯
馮祥等罪後又條陳八事出為徐州帥府經歷尋

召為右司諫有爭臣風規博學能詩文為人敦厚動有
禮節處之日家無一資友葬之

鄭當時 洪洞人明昌登進士第仕至河汾教授編節義
事行於世

申明 臨晉人膂力過人以備直事母時盜賊夜劫殺人
明一夕出母被殺明假寐田畔夢母謂曰吾已死

賊手矣賊東南行可追之明亟返會眾尾賊不獲目眦
俱裂遂仰天憤恚而死鄉人義之為之立廟今丁庄村

有忠孝廟
祠即明也

龐整 河中人早喪父事母孝母卒合塋坐域整即日屏
妻子自入幽隧哀慕不啻生事其子源嘗入視整

偃仆救之方甦隧中穢惡變為異香整孱困不勝夜有
人送藥服之愈以為神勅賜孝行旌表

張仁楫 平陸人明昌三年有司以仁楫四世同居事聞
詔表其門

田世英 河中人博學能文長於詩舉進士調絳州教授
遷虞鄉簿轉縣尹退居教授鄉里從遊者眾時

稱田
先生

郝衡 稷山人舉進士隱居教授以德行稱

王庭筠 字子端河東縣人人生未期視書識十七字七歲

官臨政即有聲郡民鄒四謀不軌事覺逮捕千餘人竄

匿不能得朝遣大理王仲軻治其獄庭筠乃以計獲鄒

四分別註誤坐預謀者十二人而已調館陶主簿召試

館職已中選御史臺抑之遂罷卜居彰德讀書黃華山

寺因以自號後遷翰林修撰卒年四十七上素知其貧

賜贖錢八十萬求詩文藏之秘閣御製詩賜其家著藁

辯十卷文集四十卷書法學米元章尤善山水墨竹子

曼卿以能詩仕至行省郎中

孫鎮 絳州人博學有才舉進士為陝州刺史弟錡寧州

刺史鉉番原令與鎮同榜進士世號三桂孫氏

劉祖謙 安邑人承安五年進士拜御史以剛介稱終武

勝軍節度使

劉從謙 安邑人見宦績

王綱 趙城人大安間廷試詞賦狀元翰林修撰

邢德真 浮山人刑部侍郎子天祐正大中狀元

段恒 稷山人字元貞鈞之孫素以德誼有學聞應詞賦

進士舉屢中至御試輒有蹉跌金南渡之歲詔魯

三赴廷試不中選年五十者賜同進士及第人多冒濫

求進公獨曰吾實四十有九將求入仕欺君可乎終不

陳

段成已 稷山人鈞曾孫天性孝友四歲知力學正大七

年與兄克已同登進士時趙秉文典試誦其賦
器之大書雙飛二字名其里克已終身不仕人稱避菴
先生早卒成已授宜陽簿入元世祖降璽書即其家起
為平陽儒學提舉不赴天下高其雅德祭酒周文懿稱
其文在班馬之間所著有二妙集菊軒集克已子思誠
思溫成已子
思義另有傳
張繼祖 臨晉人進士大中大夫宿州保靖軍節度副使

宗經 稷山人領解元舉進士所著有雲巖文集同邑郝

強伸 河中射糧軍子弟貌陋而膂力過人以功推府僉

事累禦大敵詔褒諭為中軍留守元帥左都監世

襲行元帥府事建報息堂於洛川驛東以死自效元兵

至招伸降伸曰我本一軍卒貴為留守誓以死報國耳

力盡被執不屈死之 史稱其有烈丈夫風

王佐 襄陵人金季進士元時從父居上都教授里巷不

與時俯仰會賊至倉卒不能避為賊所獲佐傲岸

自如罵賊 不輟見害

馮延登 吉鄉人承安二年舉進士為詩文皆有律度興

定中累官國子祭酒正大末假翰林學士承旨

使元被留勒降不從髡羈豐州後放還歷禮吏二部侍

郎亦京陷投井死

南仲 猗氏人有孝行以孝廉稱元兵至先士卒死之

侯小叔 河東人見名宦

李華 河津人見名宦

楊貞 吉州人父椿嘗為獻州刺史貞擢明昌進士第仕

至河東南路招撫使隰吉便宜經畧使築牛心寨

以禦元圍急命其子克義克敬婿伍禮厚俱死之又命

妻孟氏自經女禮厚妻墜崖死貞乃南望再拜焚廬赴

河而死後尸橫河水上 門人張安石見收葬焉

段大亨 芮城人干木之裔世居段村後遷南數里曰孫

村早以義氣自豪修幹多力精騎射喜兵法飲

酒至石不亂貞祐末為領軍元帥佩金虎符正大七年

以勞進河南諸路軍兵都元帥錫兩虎符壁竹林堡附

屍與夫人史氏歸葬先塋

李獻能 字欽叔河中人授應奉翰林文字後為陝省左

府經歷官元兵破河中奔陝州行省值兵變遇害家饒於財盡於貞祐之亂毋素豪奢獻能營奉如昔時稱孝

李獻甫 字欽用先世有為金吾上將軍者時號李金吾皆以文學名相繼擢進士第家有四桂堂人文之秀照

映一時獻甫博學有幹局心所到處人不能及歷鎮南軍節度副使死蔡州

之難所著有天倪集

李復亨 河津人進士累官叅知政事出為安國軍節度使元光初城破自殺

賈邦憲 霍州人舉進士質直有勇畧元兵攻河東邦獻集居民禦之兵至民悉降邦獻乃挈其子懿棄

家與知州劉稱等保松平寨竟能成功兵復大至病不能避與懿俱被執欲以為鎮西元帥邦獻密遣懿歸松

平遂自刎後贈奉直大夫

元

靳和 曲沃人汾陽侯彊之後居鄉喜周貧導人以善金末兵擾團結鄉人保障後率眾歸元錫以金符授

絳陽軍政治公平勇而好義子用另有傳

閻忠 平陽人父衍仕金歿於王事忠避兵山東家於高唐其子復善屬文仕元累官翰林學士承旨

王恩 河中人狀貌魁偉知識明達勇力過人金末避亂鄆州元兵南下率眾投元遂命總歸附之眾凡遇

攻戰屢有奇功授都元帥

田忠良 趙城人見方伎十月上吉有事太廟或謂牲不用牛忠良奏曰梁武帝以麴為犧牲如何耶從

之子澤翰林學士兼修國史

姚天福

絳州人幼讀春秋通大義至元中拜監察御史

彈擊不避權貴世祖嘉其直時詔罷各道按察

司天福言不可權臣不悅左遷衡州路同知後拜參知

政事大興尹畿甸大治尹京兆者必以天福為首稱

謝天吉

字鍾祥臨晉人元初起朔方鎮防為帥知政蒲

郡嘗因朝覲賜坐繼賜金甲彤弓良馬貂裘恩

榮無比金末人皆逃難河南天吉以王事持節至流民

相謂曰謝帥素寬仁能容相率來附者數千人初上官

徵發銀以萬計輒罄家之器用首飾以應不取於民踰

年又徵黃金百餘笏天吉投河佯死得寢其事府僚聞

其偽死就謁隱所請復領職百姓歡喜載道今子孫居

崑山前稱巨族

許國禎

曲沃人博通經史尤精醫術金末避地嵩州後

寓太原元世祖潛邸徵至治疾刻期而愈至元

中為禮部尚書嘗上疏言事多見施行所薦引皆知名

士卒追封薊國公謚忠憲子辰字君黼一名忽魯火孫

從其父事世祖于潛邸進退莊重世祖喜之賜今名令

從許衡學入備宿衛忠慎小心俄除禮部尚書提點太

醫院事又與丞相安童善國政多所贊益成宗即位遷

中書右丞行太常卿力辭乃命以中書右丞署太常事

俄改陝西行中書省右

丞追封趙國公謚僖簡

王士元

臨汾人元初張起巖榜進士知吉州秉心公正

斷決明允六事具舉既去民為立碑累官風憲

遷國子司業以崇文少監致仕平生文章政事皆可師

法所著有拙菴集

關世俊

晉寧人至元間為陽城尹從公秉直至誠愛民

為立德

政碑 勸課農桑講明政教當時學者聞風嚮義邑人

孔錦山

絳州人雄勇多謀畧善騎射元初襲父千夫長

從征屢著奇功戰于茶山時墜馬騰上者三咎

安撫嘆曰真奇士也見世祖賜錦衣弓矢鞍勒諭以回

距之事對曰人怪為善則美名斯臻累陞朔門等處鎮

守萬戶舊

志錦訛綿

楊琛 翼城人初名俊與從兄宜蕩平諸賊若以功行翼
州元帥事金人執虎符白麻招之俊戮使者以聞
特降金符為征行元帥取河中興元與塔海下蜀淮全
活數萬口從車駕攻河南破蔡州宣授千夫長佩金符

賜名

楊宜 見宦績

張著 襄陵人至元初舉詞賦既而嘆曰士當以遠大自
期雕蟲篆刻壯夫不為也遂習沉潜伊洛之學調

路城簿未幾以親老西歸累辟不就至元中薦授平陽
路教授以成就後進為已任晉人以文名者多出門下

著有蒙溪集詩學淵源行世子思敬歷知無為茶陵二
州提舉河南江北儒學有寓堂文集

陳元凱 克基孫膺之子性英毅有操行事父母以孝聞
至元間太保劉文貞薦舉扈從累仕顯職績階

諫議浙東海右道肅政廉訪使追封穎川郡侯謚靖宣
子敬立舉明經官開成路治中

屈繼平

翼城人七歲而孤性敏強記至元間鄉舉得程
朱為已為人之實以為學者倡門人號曰北城

先生

賀勝 奉元忠貞王仁傑子也世居永和幼從許文正公
學通經傳大義以蔭補備宿衛入侍帷幄出驂乘

輿累拜開府儀同三司上柱國以非罪死謚惠愍子惟
一拜正儀大夫仕至中書左丞時稱賢相

靳用 字祐之和子六歲從性理之學壯仕為曲沃翼城
令有能聲改榮河尹奉法循理勸農興學後拜監

察御史陝西漢中道按察司僉事擢嶺北湖南道肅政
廉訪使公忠廉愛剛直謹簡臨民以德執法不阿所在

立祠勒碑終朝列大夫晉寧路總管子德政邳州判官
德信將仕郎德謙禁直宿衛德淵後贈兵部尚書封西

河郡侯德昌好學善屬文德淵子榮監察御史奎章閣
侍制學士剛直有祖風弟曷有孝行

何約 字仲博河中人初授吏部主事歷監察御史戶兵
二部尚書行省參知政事江西湖北河東憲使召

拜內臺侍御史為上知遇致仕卒子孫貴顯為蒲大族
歐陽泣為其父作神道碑

傅起巖 汾西人初為丞相掾歷西臺中丞多著勲績卒
追封河東郡公謚正獻

王泰亨 平陽人成宗時給事東宮累遷至中書平章致
仕封晉國公卒謚清憲所著有康莊文集

續執中 臨汾人大德初懷孟路教授徵為國子助教著
有崎菴文集

段思成 字仲明號芹溪稷山人遯菴子詩文律雅偉名
藉藉大德間國史院承旨閻文公訪河東文獻

故家因與從弟思義並薦於朝授河東教授不就弟思
溫字叔恭少孤從仲父菊軒學遂成名儒貫通經史尤

邃易春秋詩文純正皇子安西王辟記室參軍不赴
靜寡欲授業鄉里多所造就積書萬卷以遺子孫卒之

日遠近赴吊為之罷市思溫子輔字惟德號裕齋辟中
臺掾以文行遷應奉翰林文字歷奎章學士陝西諸道

行臺侍御史思義字季方號西溪菊軒子薦授平陽路
儒學教授不就往來韓城愛其風土因徙居焉以經史

授徒
不倦

張遵信 字誠之翼城人幼習舉業大德間鄉薦與兄友
愛甚至晚從臨川先生吳徵學聖賢之學得體

謚之實至大間任本
縣學諭擢晉府經歷

徐毅 趙城人父德舉提舉太原鹽鐵使毅自幼從許文
正公學至大間累官監察御史力陳臺省為治之

要遷至刑部尚書參議御史中丞能彌綸庶政及卒追
封平陽郡公謚文清

李思敬 絳州人為內臺監察御史仕至山北遼東道肅
政廉訪使以廉孝著名子撰有文學授榆社縣

尹性質嚴明衷懷愷悌早禱輒應敷政仁惠士民協和
累遷肅政廉訪副使孫士林以秀才舉授長興知縣

察罕 解州人襲父爵河東郡公號白雲老人至大初為
弘文館大學士累官中書省平章事蔭二子長外

家奴為中書理問次忽都秃孝感宰子孫以白為姓從
別號也州西曲范村有裔孫乃李氏或曰守墳戶也

尉遲德誠 絳州人父鼎金潞州知州德誠累官太子家令司丞侍仁宗左右數薦士出未嘗語人選為河東山西道宣慰司同知擊奸吏寬稅歛延祐中拜遼東廉訪使

賈敏夫 襄陵人延祐中拜監察御史嘗遺書若干卷於邑之學宮以惠後進

李謙亨 曲沃人英宗時以儒進歷內臺御史時創西山寺謙亨與御史四人上疏切諫决杖文面安置

奴兒干 由是海內知名後召還授浙東海右道廉訪使封隴西郡侯謚忠肅

裴居敬 字太簡河中人累官雲南行省參知政事積學勵行家蓄書二萬餘卷卒贈陝西行省參知政

事封河東郡公謚憲懿

房祺 臨汾人為河中大同兩路教授終潞州判官著有橫汾集子希文泰定甲子解元著有淵雲集孫輯

牛光祖 襄陵人 以才辟其肅行省掾尋陞中書省掾中都留守都事有幹局以廉慎稱天曆改元為河

東陝西都轉運鹽使陞中奉大夫雲南諸路行中書省參知政事佩三珠虎符適管軍馬次年致仕父滋知吉

州累贈戶部尚書隴西郡公弟敬祖任大同縣尹

張克寬 蒲州人以儒進拜南臺御史歷晉寧路總管所至有異政家中條山下號蒼陵翁同族張鏞至

正間為首陽書院山長以文學著聲

王義甫 平陽人為平遙縣尹守已無私安民以惠

喬受之 霍州人授汾西縣尹陞朝列大夫和寧路推官惠政旁洽百姓歌咏之

薛廷年 臨汾人為西安王文學士著四書引証小學纂圖有竹軒文集

單鵠 臨汾人仕至四川行省郎中著有河汾集

楊守則 翼城人初授翰林院檢閱官遷內臺御史陞戶部侍郎再遷大都河間路總管

郝溫 冀城人由太學上舍累官四川行中書省郎中遷

劉尚質 曲沃人博學能文為國子助教陞監察御史潞

之

張鳴鶴 稷山人方正篤學登進士第授晉寧路縣尹蒞

姚庸 稷山人機性通悟累中書省試科進士授懷州學

郭思貞 河中人以儒業進拜監察御史累遷南臺治書

張翥 字仲舉襄陵人少有勇力負才不羈父以為憂翥

至元末中書薦隱逸召為國子助教尋退居淮東會修

遼金宋三史起為國史院編修史成遷翰林侍講學士

仍以侍讀兼祭酒翥勤于誘掖後進絕去崖岸學者樂

親炙之以學士承旨致仕進階榮祿大夫李羅帖木兒

入京師命翥草詔削奪擴廓帖木兒官爵且發兵討之

翥不從左右勸之翥曰吾臂可斷筆不能操也乃命他

學士為之及李羅帖木兒誅詔以翥為河南行省平章

政事致仕有律詩樂府三卷忠義錄傳世

張瞻甫 河東人至正辛巳仕潞州守與袁補弊政多可

王遵道 垣曲人至正間由鄉舉任高平教諭後登進士

李榮祖 霍州人幼有大志雖貧不屈色于人至正間知

孫智有祖風 絳州勤政愛民長於剖決終陝西轉運司同知

辛邦彥 見宦績

劉仲殷 曲沃人進士第任稷山縣尹守已廉勤為政平

王得貞 霍州人進士至大間大夫懷慶路總管能詩善

河東宣慰司使

賀方 霍州人幼聰慧日誦數千言人呼小學士事父宦遊江南由國子生仕至翰林應奉侍制陞學士終

江南路治書侍御史城陷死之

韓亨甫 絳州人由中書省掾授監察御史後調東平路總管至正間毛貴作亂守城死節贈陝西行中

書叅議

邢飛翰 霍州人性剛果薦為內臺御史伯顏專政飛翰面折其非叅議佛家驢奸邪復廷劾之後以兩

淮鹽運司同致仕元末賊亂不屈而死追封工部尚書謚忠義

胡純 平陽人翰林應奉洪武初以耆儒碩學徵至京師授以官不就謫居廣西桂林府閉戶却掃潛心性

理之學都督韓觀嘗造其宅終不報謝再至謂曰先生於觀似無情者純曰將軍知我我固如此所謂士伸於

知己者觀歎息而去

張鏞 河中人至正間為首陽書院山長以文學著聲

梁福 萬泉人平宋有功授興魯官副統軍旅母卒與弟祥負土壘墳事聞旌表 以下俱通志載孝義

吳著 襄陵人至元初平陽路長官歷陞延安路轉運使母喪廬於墓所負土崇封瘞甚不怠以孝廉著稱

杜昭 萬泉人襁褓中亡母繼母吳氏撫之甚厚及長事吳孝養備至吳卒廬墓三年朝夕哭奠人咸稱其

孝

郭狗狗 翼城人父寧為元先鋒使分戍良平鎮宋將史太尉攻陷良平寧被執狗狗年五歲躍前告史

曰勿殺我父當殺我史驚問寧曰是兒幾歲曰五歲曰五歲兒能是耶吾當全汝家以兵護之還御史以事聞

詔旌之

崔敏 襄陵人生四十日其父為綿竹縣尹父子不知者逾三十年遭元兵亂母氏及兄亦各散亡敏乃歷秦入蜀備求其父音耗弗得回至鳳翔得其祖之遺骸負歸葬於先坐鄉人張昌為著孝子傳

李忠 趙城人與弟恕皆幼孤天性至孝事孀母宋氏克供子職大德七年地大震郇堡山移所過居民廬舍皆摧壓傾圮將近忠家分為兩行五十餘步復合忠家獨完人皆以為孝感元李崇德為作孝感碑

胡光遠 太平人母喪廬於墓側一夕夢母欲食魚晨起驚異之方出取觀一獺忽出眾始知為獺所獻有司以狀聞詔旌表其門

靳昂 字克昌曲沃人德淵子學士榮弟六歲知學諸疏義皆能默誦而不喜為文章然落筆作者不能及同其兄奉母王氏以官于朝母卒昂與兄護喪還家至平定之平潭大雷雨昂扶柩上呼天長號榮呼之避水曰吾避柩母喪何須與暴水至遂漂沒而屍水退得柩于三里外事聞詔賜孝子靳昂碑學士揚侯斯奉勅撰

支

姚子智 絳州人居喪廬墓見元史孝友傳

王庭祥 猗氏人七歲遭妹殤哭甚哀既瘞悲曰妹入土不可復見他日父母歿亦如是乎于是事之益孝凡得鮮必先奉二親飲食必親供拜饋每食八拜日二十四拜因事有缺歸記補之如是者一十七年父背嘗病癱久而不瘥庭祥以口吮膿癰瘡母雙目失明庭祥以舌舐復明事聞旌表其門

閻順 霍州人家貧就業臨汾幼患足病拘攣不能伸屈兩手托泥鰾以尻着地而行值寒食節備祭物赴州拜掃每歲如之忽一日回至洪洞縣拱辰橋遇一人問曰子何往曰之臨汾其人曰何不行曰足疾不能行其人用針刺其患處即起行若無疾者人皆以為孝感所致咸稱閻孝子

樊珪 臨晉人有孝行至大間任大都提舉母思之哭泣喪明珪歸用舌舐母月七日復明有司以聞詔旌

為孝感之門

鄭璇 霍州人庠生聘張氏女既而女患篤疾張自求退親璇不肯曰古人有娶雙瞽者吾雖不及古人豈

有背義而別娶耶竟娶之遇待更從厚焉

黃景春 霍州人幼貧為人管店有客携妻子假宿者次日早行遺匣景春開視金首飾也追十許里付

之客分半謝之景春不受

馮愈 吉州人父敬夫病篤愈籲天割股調藥父病遂愈事聞于朝至正間旌表其門

劉信 字仲寬河津人穎悟非常少孤事母至孝或勸之仕曰余少喪吾父今以身事君何以事母處鄉無

大小悉持以敬人有爭訟難決者詣門請平母沒隱居龍門讀書終身後旌表其門

段承祚 稷山人幼業大學謙和好禮動止有則任國子學正尋以母老歸養屢徵不起教授于鄉有鄰

婦來取火失金環返索之不辯而償妻有難色承祚曰恐逼人性命耳後婦得遺環漿甕中人服其德量

賀賁 隰州人父種德徙居京兆賁有謀畧善攻戰畧關餘兩乃持五千兩獻世祖以助軍後以賁總管京兆諸

軍與魯卒追封雍國公謚貞獻子仁傑孫惟一相繼為上郡留守

孫抑 洪洞人舉進士仕至刑部郎中有孝行關係之變孳家避兵平陽之北村遇賊欲刃其母抑以身翼

請代得免父為所擄抑奮身往尋之屢瀕危殆竟奉父歸里稱純孝

房輯 臨汾人元鄉貢士祖祺父希文俱擅學行名輯有孝行至正間盜陷平陽繼母為賊所執將殺之輯

以身護

遂遇害

喬葵 晉寧人至正間賊陷晉寧城中死者十二三葵整衣冠聚妻子家有大井葵坐井上令妻子輩盡投

井中已隨赴之賊平贈
彞臨汾縣尹謚純潔

靳頡

任征西大將軍陣亡獲屍而失其首以銀爲首葬
之 以下舊志載孝義

唐義橋

絳州人三十喪父母五十猶衰麻常成橋于稷
山縣南汾水上

